

天津縣志卷之十八

人物志

附流寓  
仙釋

邑創自明永樂歷今幾四百年賢哲篤生雖未能較盛他邑而魁人碩彥以及畸行獨善之士亦後先相輝映也

國朝由衛升州升府邑屬赤望沐浴

聖化涵濡最深比年以來戶詩書而人禮讓隱然鄒魯之風謹擇其聞望尤著者撫其本末詳紀於篇以竊附汝南先賢襄陽耆舊之傳用垂不朽云爾志

人物

天津縣志

卷之十八

人物

一

人物

明

鄭海

鄭海天津左衛前所小旗以廬墓有感旌表其門

張鎧

張鎧天津衛指揮僉事張鏞弟鏞為仇陷獄成抵死鎧尚幼奮然願以身代下獄逾年遇赦得釋遠近義

之

別有傳  
紀藝文

張海

張海天津人性孝友母范氏死廬於墓側號泣不離

終三年始歸

倪維城

倪維成天津衛生員少孤事寡母陳氏備極孝養學院霍某疏請旌表樹坊

殷尙質

殷尙質天津人嘉靖十四年襲指揮僉事掌衛事以勤能被薦進都指揮僉事歷太原大同叅將三十二年督軍解巡撫侯鉞圍擢遼東副總兵就進署都僉事充總兵官三十五年十月打來孫以十餘萬騎入廣寧尙質急率游擊閻懋官等禦之塔兒山寇先突

天津縣志

卷之十八 人物

二

懋官營不爲動乃馳攻尙質尙質殊死戰力屈死之懋官馳救亦戰死事聞詔贈尙質少保左都督謚忠愍廕子立祠

按明史稿稱謚忠愍而天津衛志謂謚忠勇今從史稿

梅應文

梅應文天津人弟應元任山東濟南府遊擊時值流寇擾亂應文尋弟濟南爲寇所執代弟而死

王紹慶

王紹慶天津衛學生員弟廷慶以非辜罹獄紹慶憫

其無嗣乞以身代備歷三木之苦後逢赦得免卒年七十九

郭先生

郭先生失其名天津人賣藥爲業博極經史江西有蔡姓者流寓天津與郭善蔡病且死無嗣囊有四百金密屬郭郭義不受乃強之郭聞蔡妻有遺腹因受蔡金蔡婦後舉一子逾五年賣金償之并告以故封識宛然人高其義

侯能

侯能天津人家饒於貲性慈仁有偷兒入其室所盜

天津縣志

卷之十八 人物

三

無算爲僕人所獲能命釋之且予以千錢後偷兒愧悔卒爲善士

母紳

母紳天津人好施予閭里待以舉火者甚衆生平無疾言遽色接人有禮交稱長者

倪鸞

倪鸞天津人事父母及後母皆孝有姑寡而貧鸞奉養以終其節里人陳邦政死鸞爲之殯李萬寶鬻女償官鏹銀落於道鸞拾而訪還之皆推盛德

王珠

王珠天津人聰敏博學事親孝尤樂施予有急難告者必傾橐以應鄉黨翕然稱之

馮宗雍

馮宗雍天津人性純謹好義急公每多善行歲饑盡出家中積穀以賑賴以全活者甚衆又捐地築砲臺不受直當事義之

張鷟翼

張鷟翼天津人樂善不倦曾倡義捐金修築郭外砲臺天津衛城歲久荒圯鷟翼復捐甄灰葺而新之

孫昂

天津縣志

卷之十八 人物

四

孫昂天津人中天順己卯鄉試授高平縣知縣抵任縣大祲昂矯發倉粟全活數萬人坐是落職人咸惜之

張佑

張佑天津人正德庚辰進士除臨汾縣知縣爲政專以德化有爭訟者曲爲開喻且卧閣自責不施鞭扑久之縣庭闐寂門可張羅治行上聞欽取入爲御史先是佑在縣時值歲饑不及請卽開倉以賑大吏賢而釋之去之日百姓爭持牛酒泣送百里外

張愚

張愚天津人嘉靖壬辰進士除戶部主事歷陞都察院右副都御史賦性剛直蒞政明敏巡撫延綏嚴飭戎務欽賜蟒玉以勞瘵卒官賜諭祭蔭一子

### 劉燾

劉燾天津人嘉靖戊戌進士授濟南府推官歷陞都察院左都御史兼兵部左侍郎修河防立義塚所至皆有惠聲屢疏求退家居惟以耕讀課子弟生平撰述極多所著有奏議等若干卷行世子維城維垣維壩

### 汪來

## 天津縣志

### 卷之十八 人物

五

汪來天津人嘉靖辛丑進士授刑部主事陞山西兵備副使居官嚴毅不避權貴豪姓聞風歛跡罷官日不妄通竿牘冠蓋到門鍵戶不納日以詩文自娛

### 侯儀

侯儀天津衛貢生除山西臨晉縣縣丞居官清廉去任後民爲立祠祀之

## 國朝

### 王顯謨

王顯謨天津人任漳州同知海寇破城被執賊怒其不屈埋其身土中僅露其首餓死事聞

贈按察司副使蔭姪元翰太和縣知縣

周天命

周天命天津人任天津叅將順治初土寇作亂天命率兵抵唐官屯剿之深入賊地力戰而死事聞贈卹官其弟明命都司經歷

劉得寧

劉得寧天津人順治初年饑出粟賑濟活難民數百口葬無主骸骨無算大吏題奏

詔賜八品服以旌之卒年八十六

朱天成

天津縣志

卷之十八 人物

六

朱天成天津人順治初捐粟賑濟三月全活甚衆兩院具疏以聞

詔賜八品服以旌之

林鴻鳴

林鴻鳴天津衛歲貢生任密雲縣學訓導幼育於兄事之如父生平喜怒不形人莫測其涯涘居官作興文教不負厥職

劉顯祖

劉顯祖天津衛歲貢生任三河縣學訓導事親極孝讀書外戶外事槩不問也學使三舉優行

趙連璧

趙連璧世居北倉弱冠補博士弟子員試輒高等事親能盡色養雖困乏甘旨不缺立義學集閭里子弟躬親教誨成材者衆置義田入租以贖族之婚葬歲荒賴以不困學宮齋廡傾圮倡衆修葺廟貌一新以子之符貴贈吏科掌印給事中弟完璧篤學砥行事親盡孝性寬厚有容以橫逆加者置弗較歲荒傾橐調濟代人完逋賦贖子女河決漂沒廬舍買舟拯溺由薦舉任山西榆次縣主簿巡方廉其才幹任以查核多所釐剔署縣篆興利除害

天津縣志

卷之十八

人物

六

民懷其惠建祠祀之以本生子之符貴贈翰林院庶吉士子之符字爾合順治己亥進士選庶吉士改授戶科給事中掌吏科在諫垣十有三載累遷左僉都御史前後建白數萬言以直聲著聞疏稿爲世稱頌有密疏則焚其草性孝友交游重然諾人有善輒稱許不置之符子璘珣琮瓚俱以文學政事稱於時

按連璧以下俱祀武清鄉賢又考璘

康熙丁巳科舉人廣

東惠州

府知府 琮

康熙壬戌科進士

琮

康熙癸未科進士

府知府 珣

康熙壬戌科進士

琮

康熙癸未科進士

康熙辛酉

科舉人河南

西平縣知縣 皆武清籍中式故選舉志不錄

宣銘

宣銘天津衛歲貢持身方正不輕以一刺謁人學使  
屢旌其門

盧元陽

盧元陽天津衛學生品行方峻以孝著聲

隋光啓

隋光啓天津人由宗人府奉祀授江南松江府守禦  
所陞湖廣永州府錦田衛守備康熙間夏包子謀逆  
漢口光啓守城不去死於難奉

旨命地方官護柩回籍

天津縣志

卷之十八 人物

七

侯天順

侯天順天津人家業農兼事商賈好施濟親黨有不  
能自存者贈之財使就業康熙三十七年西沽決大  
道陷者百餘丈天順出私財培治之加高厚焉天津  
北門外有菴久爲施茶地菴久廢天順卽其地重立  
舍宇夏則設飲冬則爲粥以食餓者爲緜衣袴以施  
遠近之無衣者病者投以藥死者給以槥咸於菴走  
集焉天津城之未修也東北兩門石路塊北不平行  
者以爲苦天順憫之命匠平治其地西門外有塔院  
爲藏骨地天順憫遺骨之多暴露也命人見枯骸必

拾而歸其中西沽渡口舊用小舟徑渡時有覆溺之患天順請於官爲浮橋一以濟渡者旋又首捐一橋船以爲衆倡晝夜督勵自經始至卒事未嘗少懈其餘小善細行尤不可枚舉有司蒞其地者咸給匾獎勸鄉里無不傳爲盛事

### 孟宗舜

孟宗舜天津人字亦若生而穎異以文章名書法義獻後學多宗之領甲午鄉薦中順治己亥進士授江西臨江府萍鄉縣知縣

### 沈鵬鳴

## 天津縣志

### 卷之十八 人物

八

沈鵬鳴字君毅天津人居家孝友父志達性嗜飲每食必以酒進兄怡臯善病鵬鳴獨謀滌灑兼養兄若嫂不敢告勞生平樂施與康熙四十二年至四十六年天津頻歲荒歉鵬鳴出粟爲糜賑之鄰縣饑民就食者縛茅棲城根鵬鳴每晨辨色而起暗投以錢不使人知靜海小屯莊有地十餘畝捐之爲義塚親族間貧不能婚娶者必資助之他若給榘捨藥諸義行不可殫述子起麟純謹樂善有父風鄉里稱之

### 李友泰

李友泰字仲白號大拙天津人言行不苟鍵戶讀書

外不妄交一人工書畫然頗自矜惜世罕得之尤精  
賞鑒評隲古人書畫真贋立判

傳另詳  
藝文

### 蕭國泰

蕭國泰天津城守營卒也守楊柳青汛雍正十三年  
正月至張家孤堆曠野中見一墜驢人詢之已中風  
不能言而被襪中有數百金裝國泰不視也扶至村  
廟躬爲護視走告諸官旋訪其父歸之有司請於  
朝賚之銀并給匾表之

### 張廷貴

張廷貴天津人性端毅不苟然諾兄子士鳳早孤撫

## 天津縣志

### 卷之十八 人物

九

之如其所生故人王定宇臨終呼其子福寰於榻前  
拜廷貴而屬焉廷貴慨然曰此吾子矣不以爲若憂  
死則爲之經其家出入與俱恩勤教督福寰卒以成  
立年八十一遘疾將不起執福寰手曰吾今有以報  
亡友地下矣子士聰康熙中天津饑偕同志爲食於  
路多所全活蓋其樂善之懷稟於庭訓云

### 邢琰

邢琰字芸國中康熙庚子舉人天性孝友父客都下  
琰授徒奉母束修所入悉供甘旨母病晝夜侍床簣  
衣不解經蟣蝨盡生瀕危琰百計營療爲不食者累

日歿之日撫棺長號遂咯血不止旬月竟以哀毀死  
弔其廬者見淚跡血痕交漬繆幕之上無不哀之稱  
曰真孝廉

陳應夏

陳應夏天津人性友愛諸弟貧不能自存咸贍於家  
終其身不忍別財異居家非素豐樂善不倦築室趙  
家場渡口冬夏施粥及茶每年河腹旣堅往來者動  
患滑仆應夏於渡口置長板橫亘兩涯行人賴之有  
徒罪者三發遣有日其母與妻質身具糗糒應夏憫  
之爲納贖緩脫其罪骨肉以全子八人玠工書爲明

天津縣志

卷之十八 人物

十

經有聲

趙承業

趙承業字華亭天津人好施予惠及族里卒年八十  
八臨終聚數千金券焚之子嗣普篤於族誼有父風  
鄉里稱長者

李接芳

李接芳字穎生天津右衛經歷司萼孫也少孤事母  
傅至孝母病劇割股合藥以進母病獲瘳子應庚應  
斗見選舉志

牛鍾瑞

牛鍾瑞字信臣天津監生父稟歲貢生好義樂施鍾瑞承父志歲祲捐穀四百石以賑饑民全活無算

### 王顯命

王顯命天津人好施予緩急告者應之無倦色友人劉雲臺寄以千金雲臺死無一人知者顯命召其子悉以子母歸之邑河東至豐潤約百里中有名深坑者爲探丸出入之所顯命置屋其間命健兒旦暮衛送行旅奸宄遁匿遠近德之卒年九十三

### 王二道

王二道天津南關人少未嘗學不識字然好爲闊大

## 天津縣志

### 卷之十八 人物

十一

不經之語人多目笑之二道不之顧年六十餘甚勇悍終身不娶有友妻死遺孤甫三歲貧而無賴棄之去二道撫而養之出入必挈之俱行迨成立聞其父在遼陽乃航海以歸之

### 武廷豫

武廷豫字建侯世居山西之大同父中岳明季授指揮僉書管天津城守營事時三衛罹水災董修衛城女墻以家財設水門并建閘於城之東南隅時啓閉以防汎溢上官以爲能尋擢遼陽都司晚居天津生子七人廷豫其三也由歲貢候補主事善體父志門

以內雍雍肅睦尤有知人鑑方黃中丞叔琳辛未試南宮年最少廷豫竒其才謂必魁天下臚唱果以第三人及第妻以弟女及卒復以已女妻之生平推解無倦色每歲臘以錢爲一提窮民有無告者給之存活不下萬計雪夜人苦饑寒更餘率僕從携錢按坊散給錢盡乃返而人不知所賜也津地多火災廷豫立同善會出貲備救火具至今賴之子三人弘彥湖廣糧儲道弘綱候選知縣弘儒國子監生

繆啓乾

繆啓乾字天若天津人性孝友幼嗜讀書無不通解

天津縣志

卷之十八 人物

十三

尤邃音韻之學凡說文玉篇廣韻諸書皆上口成誦有以竒字問者叩之立應生平喜施予若給耒施藥賑饑捨衣諸義舉不可殫述郡城隍廟歲欠傾圮啓乾捐貲修葺廟貌一新

李化鯤

李化鯤字雲生天津監生性好施予捐貲建河北浮橋葺西沽大路又經理育嬰堂事全活孤幼無算有司皆給匾旌之

黃謙

黃謙字六吉天津衛學廩生性曠達不涉戶外事酷

嗜詩居恒以少陵集自隨遊篋所至輒滿與張念藝  
霍梁崇此洪僧世高結草堂社咸推主盟禧邸耳謙  
名以禮延致之數聘始往平生篤於友誼廣文張爾  
燕之名山任送之滄州不忍別竟偕往蜀家人莫知  
也張石松哲父某罹事於晉不得歸數千里往脫之  
著有桃花源日記數卷詩集若干卷惜未授梓竟無  
存者

### 朱同邑

朱同邑字潔臣號靖崖天津人父承命由進士授浙  
江定海令遷戶部員外郎幼嗜學嘗讀書樓中時端

## 天津縣志

### 卷之十八 人物

三

午家人進角黍置飴一盂硯側承命誤蘸墨汁以爲  
飴也同邑克嗣其業安溪相國視學畿輔拔同邑爲  
八郡冠已卯舉於鄉會有

詔覆試通榜舉人皆股栗同邑獨橐筆就

乾清門試得上等八上公車不第賫志以歿爲詩雅嗜  
王孟子紹夏函夏俱以學行知名

### 胡捷

胡捷字象三天津人順天諸生幼穎異遇書如夙讀  
長工於詩格律秀整爲姜編修西溟所賞博學強記  
撰述極多所著有讀書軒詩文集若干卷年四十無

疾終

附流寓

國朝

張文元

張文元大同人寄籍天津順治十年天津被水文元捐貲賑荒全活災民以數萬計撫院上其事

詔賜八品頂帶以旌之子琦康熙七年亦出粟數百石以食饑民

牛射斗

牛射斗字見垣山西長治人僑居天津順治間隨洪

天津縣志

卷之十八人物

十四

經畧承疇督理軍餉授中書舍人後隨征江南多所擘畫次蕪湖卒於軍

安尙義

安尙義字易之奉天人原籍朝鮮僑居天津賦性仁厚施予無倦色康熙五十年災饑民載道尙義創建粥廠南門外賑之繼此十餘年不替全活人無算天津城池歲久傾圮尙義與子岐願捐貲修築鹽院莽

鵠立代爲 題請奉

旨俞允畿南保障遂成金湯云

張垣

張坦字逸峯永平撫寧人祖明字遷天津遂家焉性嗜學於書無所不窺博覽窮搜叩之立應中康熙癸酉舉人考授中書舍人所著有履閣詩集及喚魚亭詩文集若干卷幼學詩於王司寇阮亭學書於趙宮贊執信其淵源蓋有自云

### 程鑰

程鑰字北堅晚年更字果菴浙江山陰人年十六來天津遂寓焉少孤事母以孝著長而博極羣籍撰有班管錄七十餘種豹隱齋詩文集若干卷生平好施濟遇匱乏者雖旅邸傾囊贈之從兄有無子者代之

## 天津縣志

### 卷之十八

人物

十五

置姬侍親爲奉養客粵西有挈妻子而病於逆旅者鑰爲資給之凡數年有女名德輝以節烈著

傳詳列女

### 佟鉉

佟鉉字蔗村已而道人其別號也長白人父某官河南布政使兄弟六人皆通籍仕路鉉以國學生例授別駕不願謁選絕意華膺卜居天津城西門臨流水榜其居曰滄浪考槃布衣葛履忘爲貴介也性嗜山水耽吟咏早年詩學蘇陸一變而入大曆貞元之室津之能詩者未有過之

### 徐蘭

徐蘭字芝仙紹興人以詩名吳越間中年走長安王公貴人爭延致之間遊天津遂占籍焉生平工集唐打鬼蒙古象棋等六歌尤爲世所傳誦蘭嘗從軍出居庸關有詩云將軍此去必封侯士卒何心肯逗遛馬後桃花馬前雪出關爭得不回頭新城尙書極爲賞譽後卒於津

### 李釗

李釗字所其號勉菴文安人僑居天津工摹印時人比之何主臣文國博性孤介有不當意者雖千金不奏刀也喜談導養術以壽終

### 天津縣志

#### 卷之十八 人物

五

### 僊釋

### 國朝

### 王聰

王聰字玉笈號野鶴傍三义河結宇曰香林苑極幽潔老樹古藤野花碎石錯雜窻戶間工於詩詩人過者屐滿戶外週遭廊廡長箋短幅粘壁無隙地或戲謂其齋曰詩廠

### 元弨

元弨字石庭會稽人姓姚氏孝子諱崇明者弨六世祖也母嚴夢服金伽衣僧而娠十七祝髮大善寺爲

盟石息法嗣越七年遍叅諸方熟精內典若爲則範  
寒泉晝諸耆臘皆自爲弗及也康熙庚辰孝子墓爲  
勢家所占引杖錫上長安力謀復之 安郡王及弟  
紅蘭主人延主彌陀寺席霽嶮永法師薦入

內庭

召對暢春園賦初春瑞雪應制詩稱

旨丁亥掛瓢天津之海光與湘南衡鍵關結夏箋疏楞  
嚴全部乙酉

聖祖南巡召對杭州之西湖行宮

賜御書金字心經引精於書畫尤工詩彝以不樂塵坌

天津縣志

卷之十八 人物

六

歸老高雲晚著杜鵑集又號杜鵑和尚云

成衡

成衡字湘南嘉興錢氏子幼耽禪悅薙染後力叅上  
乘康熙丙戌天津總兵藍理建普陀寺於城南延衡  
爲主席己亥衡迎謁

聖祖於西淀書海光寺額給之尋

賜紫衣恩賚甚渥衡書畫俱入逸品所作詩不下數千

首絕顛大蘇又輯海光寺志八卷晚歸天童以終

人物補遺

王登舉

王登舉天津人父歿兄寄食他邑家貧無以爲殮登舉質身劉氏爲義子始得營殯後還宗劉氏貲產悉舉以畀劉女一無取焉事兄尤極友愛子光祖親歿先後廬墓六年以孝著稱

### 盧元璠

盧元璠性至孝合葬父母廬墓三年

### 馮廷柱

馮廷柱字玉芝天津人少孤事寡母以孝稱饒於貲每冬日沍寒捨絮衣若干歷久不倦又與里中李化鯤經理育嬰堂事全活幼孤無算雍正三年大水就

## 天津縣志

### 卷之十八

人物

七

食天津者衆廷柱首創捐賑饑民德之

### 靳家修

靳家修字質中歲貢生性和厚工文章前制府趙公聘爲義學經師教授數十年津士以科名文學顯者半出其門

### 靳家相

靳家相字元功廩生賦性純謹從學者不計束修造就甚衆

### 曾文彬

曾文彬字子宜操行不苟事親至孝四十而鰥不再

娶偶客遊數月歸繼母爲置一妾文彬泣謝母曰兒已有子何復需此少艾爲立召其父母遣之并不責其聘錢其生平守義寡欲類如此尤精岐黃術子淳雍正甲辰科舉人

梅開傑

梅開傑天津庠生性好施予捐河北義塚地三十畝  
靳連

靳連天津舉人官陝西山陽縣知縣以廉惠著聲居家孝友無與比學尤醇粹主義塾二十餘年邑士半賴裁成子世菁乾隆戊午科舉人

天津縣志

卷之十八

人物

六

陳天祺

陳天祺天津人由廩生補歲貢生好學敦士行性慷慨與人排難解紛傾囊弗吝處昆弟間友愛尤篤稱於鄉黨身後無間言子廷訓官湯溪令子廷秀舉人  
寓賢補遺

酈世澍

酈世澍浙江會稽人僑居天津食貧勵學屢試不售嘗訓子廷本曰讀書吾家事不可廢也又曰覽宋史范文正公義田一事人有贏餘所當踵行汝曹識之中年賣志而歿妻陳氏茹冰食蓼備歷艱辛

撫本成立本克承父志教授鄉里不墮家聲數十年來省衣節食置有本邑後補屯田民地二頃零五十八畝五分遵遺命請輸之義學爲諸生膏火資有司具詳 上憲旌之

天津縣志卷之十八 終

天津縣志

卷之十八 人物

九